

老子道德經考異



卷之五
子思子
子思子
子思子
子思子
子思子



老子道德經考異

畢沅輯

中華書局

叢書集成初編

老子翼（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之二

統一書號：一七〇一八·一五一

老子道德經考異序

太史公作史記爲老子立傳云。老子姓李。名耳。字伯陽。諡曰聃。爲周守藏室史。西出關爲關令尹喜著書上下篇而去。莫知其所終。又云。或曰周太史儋卽老子。或曰非也。世莫知其然否。沅案。古聃儋字通。說文解字有聃字。云耳曼也。又有瞻字。云垂耳也。南方瞻耳之國。大荒北經。呂覽。瞻耳字並作儋。又呂覽老聃字。淮南王書。瞻耳字皆作耽。說文解字又有耽字。云耳大垂也。蓋三字聲義相同。故並借用之。鄭康成云。老聃。古壽考者之號。斯爲通論矣。老子與老萊子是二人。老子。苦縣人。老萊子。楚人。史記老萊子著書十五篇。藝文志作十六篇。亦爲道家之言。且與孔子同時。故或與老子混而莫辨。沅又案。古有萊氏。故左傳有萊駒。老萊子應是萊子而稱老。如列禦寇師老商氏。以商氏而稱老義同。當時人能久生不死。皆以老推之矣。亦無異說焉。莊子云。孔子西藏書于周室。往見老聃。又云。孔子南之沛。見老聃。又云。陽子居南之沛。老聃西游于秦。邀于郊。至于梁而遇老子。是孔子問禮之老子。卽著道德書之老子。不得以其或在沛或在周而疑之。漢時以黃老爲道家言。故藝文志道家有黃帝四經等篇。列子以谷神不死。是謂元牝。爲黃帝書。而莊子有焱氏頌有聽之不聞其聲。視之不見其形。云云。正與視之不見名曰夷。聽之不聞名曰希。說合。黃帝號有熊氏。古者熊焱聲相轉。疑有焱氏卽有熊氏。然則老子本黃帝之言。大率多述而不作焉。道書有太上老君。亦卽老子也。徐堅案。高上老子。內傳曰太上老君。姓李名耳。又有太上道君。出本

行經。太上丈人出。隋書經籍志。則與老君實別。史記。老子之子名宗。宗子注。注子宮。宮元孫假。仕于漢孝文帝。假之子解爲膠西王太傅。家于齊。魏書釋老志。有收圭師李譜文。云是老子之元孫。隋書作李譜。合之唐宗室世系表所載。是老子亦猶夫人耳。莊子稱老聃死。秦失弔之。三號而出。明老子亦死。水經注。整屋有大陵。世謂之老子陵。明老子有葬地。生而爲聖。歿而爲神。不足爲異。必如葛洪神仙傳。及崔元山瀨鄉記。老子爲十三聖師云云。未免好奇行怪。蓋後世虛造之詞。不足徵矣。藝文志有老子鄰氏經傳四篇。傅氏經說三十七篇。徐氏經說六篇。劉向說四篇。卻無河上公注。隋書經籍志云。老子道德經二卷。漢文帝時河上公注。梁有戰國時河上丈人注二卷。攷高士傳。河上丈人不知何國人。明老子之術。自匿姓名。居河之湄。著老子章句。當戰國之末。諸侯交爭。馳說之士。咸以權勢相傾。唯丈人隱身修道。老而不虧。是謂戰國時人也。神仙傳。河上公者。莫知其姓字。漢文帝時。結艸爲庵于河之濱。是謂文帝時人也。志書爲二人。沉所見老子注家不下百餘本。其佳者有數十本。唯唐傳奕多古字古言。且爲世所希傳。故就其本互加參校。間有不合于古者。則折衆說以定所是。字不從說文解字出。不審信也。近世多讀書君子。然淺近者有因陋而無專辨。或好求異說以討別緒。則動更前人陳蹟。在若信若不信之間。沉不敢爲之也。倘攷之不得其精。亦唯曰我過矣。我過矣。乾隆四十六年十月。畢沅撰。

老子道德經考異卷上

唐 太史令傳 奕校定本 清 畢沅輯

道可道，非常道。名可名，非常名。無名天地之始，有名萬物之母。故常無欲以觀其妙，常有欲以觀其徼。古無妙字，易妙萬慮而爲言。王肅本作眇，陸機文賦眇衆慮而爲言，卽用易文，亦作眇。又屈原九歌，美要眇兮宜修，並是李約本。徼作徼，非。董遇注易曰：眇，成也。許慎說文解字曰：徼，循也。應從此二義。司馬光于兩無字兩有字斷句，王安石同。此兩者同出而異名。

陳景元以此兩者同爲句。

同謂之元。元之又元。衆妙之門。

妙亦應作眇。

右第一章五十九言。

河上公以此爲體道章。

天下皆知美之爲美，斯惡已；皆知善之爲善，斯不善已。

劉驥本皆知善之爲善上亦有天下二字。

故有無之相生，難易之相成，長短之相形，高下之相傾，音聲之相和，前後之相隨。

顧歡無故字。王弼顧歡六之字皆無。李道純曰：此間有之字，非也。形。王弼作較。陸德明亦作較。並非。古無較字。本文以形與傾爲韻，不應用較。又明矣。是以聖人處無爲之事，行不言之教。

顧歡聖人下有治字。

萬物作而不爲始。

河上公：王弼並作萬物作焉而不辭。陸希聲及太平御覽引：皆無焉字。古始辭聲同，以此致異。奕義爲長。

生而不有，爲而不恃，功成不處，夫惟不處，是以不去。

兩不處。河上公作弗居。聚珍板王弼注本：作功成而弗居。校云：永樂大典無而字。弗作不。沅案：淮南子引兩弗字，皆作不。不字爲是。

右第二章九十三言。

河上公以此爲養身章。

不尙賢，使民不爭，不貴難得之貨，使民不爲盜，不見可欲，使民心不亂。

河上公作使心不亂。無民字。案：淮南子引亦無民。

是以聖人之治也。虛其心。實其腹。弱其志。彊其骨。

河上公無也字。李道純并無之治二字。

常使民無知無欲。

顧歡民作心。

使夫知者不敢爲。爲無爲。則無不爲矣。

河上公王弼不敢爲下。並有也字。無不爲並作無不治。亦並無矣字。此知王弼作智。

右第三章六十八言。

河上公以此爲安民章。

道盅而用之。

說文解字。盅。器虛也。引本書作盅。諸本皆作沖。淮南子亦作沖。並非是。

又不滿。

河上公。王弼並作或不盈。諸本同。淮南子引作入弗盈也。

淵兮似萬物之宗。

河上公作淵乎。王弼亦作淵兮。陸德明曰。淵。會。河上作乎。案會。古今字。

挫其銳。解其紛。

紛。顧歡作忿。唐易州石刻蘇靈芝書明皇注本亦作忿。陸德明曰。河上作芬。淮南子引亦作紛。和其光同其塵。湛兮似或存。吾不知誰之子。象帝之先。

或。王弼一本作若。河上公亦作若。陳象古作吾不知誰子。

右第四章四十二言。

河上公以此爲無原章。

天地不仁。以萬物爲芻狗。聖人不仁。以百姓爲芻狗。天地之間。其猶橐籥乎。

李約無乎字。

虛而不詘。

詘。河上公作屈。王弼作掘。王弼非。陸德明曰。顧歡作掘。

動而愈出。

愈。諸本並作愈。案古無愈字。蓋卽用愈也。諸本並非。

言多數窮。不如守中。

諸本並作多言數窮。

右第五章四十五言。

河上公以此爲虛用章。

谷神不死，是謂元牝。

陸德明曰：谷，河上本作浴，云浴，養也。案後漢陳相邊韶建老子碑銘，引亦作浴神，是與河上本同。元牝之門，是謂天地之根，縣縣若存，用之不勤。

河上公、王弼並作是謂天地根無之字。

右第六章二十六言。

河上公以此爲成象章。

天長地久，天地所以能長且久者。

彭耜釋文曰：黃茂材：天地下有之字。程大昌：無者字。

以其不自生，故能長生。是以聖人後其身而身先，外其身而身存，不以其無私耶？故能成其私，不以其無私耶？河上公無不耶二字。王弼作非以其無私耶。淮南子引同王弼。

右第七章四十九言。

河上公以此爲韜光章。

上善若水，水善利萬物而不爭，居衆人之所惡。

河上公、王弼居作處。司馬光、曹道沖作又不爭。宋徽宗無之字。

故幾於道矣。

諸本無矣字。

居善地。心善淵。與善人。

王弼作與善仁。寇才質同王弼。

言善信。政善治。

王弼作正善治。永樂大典仍作政。案作正者非。

事善能。動善時。夫惟不爭。故無尤矣。

河上公。王弼並無矣字。

右第八章五十二言。

河上公以此爲易性章。

持而盈之。不如其已。

司馬光持作恃。

敝而稅之。不可長保。

敝。諸本並作揣。說文解字無敝字。奕本惟此句下有音義云。敝。音揣。量也。案。量之義。卽揣字。左傳所稱揣高卑。是或敝爲揣字古文歟。又顧歡以揣爲治。說文解字有鼓字。云有所治也。又疑敝卽鼓字之譌矣。稅。河上公作銳。王弼亦作稅。奕音義云。解也。案。解之義。當爲稅字。聲同。借之也。淮南子長保下有也。

字。

金玉滿室。莫之能守。

諸本並作滿堂。王弼亦作滿室。依義作室爲是。

富貴而驕。自遺其咎。

司馬光驕作憍。非。

成名功遂。身退。天之道。

王弼作功遂身退。天之道。諸本並作功成名遂。身退。天之道。李約名作事。淮南子道下有也字。

右弟九章。四十一言。

河上公以此爲運夷章。

載營魄。抱一。能無離乎。

諸本袞並作抱案。袞。袞也。抱。同桴。取也。義異。應用袞字。

專氣致柔。能如嬰兒乎。

王弼無如字。淮南子致作至。

滌除元覽。能無疵乎。愛民治國。能無以知乎。

能無以知。河上公作能無爲。王弼作能無知。陸德明曰。治。河上本又作活。

天門開闔能爲雌乎。

河上公爲作無。

明白四達能無以爲乎。

無以爲河上公作能無知以上六句河上公並無乎字李道純曰有乎字者非沅案淮南子引並有乎字有乎字者是。

生之畜之生而不有爲而不恃長而不宰是謂元德。

右第十章七十二言。

河上公以此爲能爲章。

三十輻共一轂當其無有車之用。

本皆以當其無斷句案攷工記利轉者以無有爲用也是應以有字斷句下並同。

埏埴以爲器當其無有器之用。

埏王弼作埏陸德明不言河上王弼字異疑河上亦作埏案古無埏字八埏之埏淮南子作飡說文解字埏長也方言埏取也釋名以土黃而細密者曰埴依義當用方言賈誼曰因而埏之服虔音埏起亦是矣。

鑿戶牖以爲室當其無有室之用故有之以爲利無之以爲用。

右第十一章四十九言

河上以此爲無用章

五色令人目盲。五音令人耳聾。五味令人口爽。馳騁田獵。令人心發狂。難得之貨。令人行妨。是以聖人爲腹不爲目。故去彼取此。

右第十二章四十九言

河上以此爲檢欲章

寵辱若驚。貴大患若身。何謂寵辱若驚。寵爲下。

王弼同。河上公作何謂寵辱。辱爲下。明皇作何謂寵辱。寵爲下。陳景元。李道純作何謂寵辱若驚。寵爲上。辱爲下。陳李二家俱謬。

得之若驚。失之若驚。是謂寵辱若驚。何謂貴大患若身。吾所以有大患者。爲吾有身。苟吾無身。吾有何患乎。

河上苟作及無乎字。王弼同。

故貴以身爲天下者。則可以託天下矣。

河上公作則可以寄於天下。王弼作若可以寄於天下。明皇作若可寄天下。陸希聲同。淮南子作貴以身爲天下。則可寄於天下。

愛以身爲天下者，則可以寄天下矣。

河上公作乃可以託於天下。王弼作若可託天下。明皇作愛以身爲天下。若可託天下。陸希聲同。淮南子作愛以身爲天下。乃可託於天下矣。奕本寄託二字，與諸本互異。

右第十三章八十八言。

河上以此爲厭恥章。

視之不見名曰夷。聽之不聞名曰希。搏之不得名曰微。此三者不可致詰。故混而爲一。一者其上之不皦。諸本無一者之三字。皦或作噉。從日者非也。

其下之不昧。

諸本無之字。

繩繩兮不可名。

王弼本或無兮字。

復歸於無物。是謂無狀之狀。無物之象。是謂芴芒。

河上公作忽恍。王弼作惚恍。河上忽是。芴恍是其恍惚則並非也。奕借芒刺芴之字爲之。與莊子雜乎芒芴之間字同。

迎之不見其首。隨之不見其後。執古之道。可以御今之有。

河上王弼無可字。

能知古始，是謂道紀。

王弼同。河上公能作以。

右第十四章一百言。

河上公以此爲贊元章。

古之善爲道者。

道。河上公王弼作士。

微妙元通，深不可識。

妙亦當作眇。

夫惟不可識，故彊爲之容曰。

諸本無曰字。

豫兮若冬涉川。

王弼豫或作懷。梁簡文作豫。今本又或作與。聚珍板弼注兮作焉。陸希聲無兮字。

猶兮若畏四鄰。

陸希聲亦無兮。張守節史記正義引作與。予冬涉川。猶予若畏四鄰。